

I.

**W** zymje wječor njedźelu  
Sedzachmy při pjecaku;  
Stary husleř z Pólskeje  
Wonajko nam baješe. —

W pólskim kraju hordži so  
Hród na kholmje wysoko!  
Z wjercha khorhoj zmahuje;  
W spódkach rěka nimo dže.

Knježeše tu miły pan,  
Za poddanow pěkny nan,  
Pani wjele miłotnu  
Měješe za mandželku.

Synka lutkoh' kublaštaj,  
Swojich sonow zbóžny raj;  
Paničku 'šće žadajo  
Žedžeštaj za džowčom so.

Nóc bě jónu njehwězdna,  
Ćma bě zemju wobjała. —  
Stražnik w hrodže stražujo  
Pytny ćiche wrěšćenko.